

აფხაზეთის ა/რ განათლებისა და კულტურის სამინისტრო



სატენდერო დოკუმენტაცია

„სამშენებლო-სამონტაჟო სამუშაოები“-ს სახელმწიფო შესყიდვა

(CPV - 45300000)

გამარტივებული ელექტრონული ტენდერის საშუალებით

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების საფუძველზე.

ქ.თბილისი

2016წელი

სარჩევი

1. ტექნიკური დავალება - 4-5 გვ.
2. პრეტენდენტის მიერ ტექნიკური დოკუმენტაციის სახით სისტემაში
ასატვირთი მონაცემები და ინფორმაცია - 6 გვ.
3. სახელმწიფო შესყიდვების შესახებ ხელშეკრულების პროექტი - 7-8-9-10-11 გვ
4. რეკვიზიტები -დანართი №1 - 12 გვ.
5. დანართი №3 - 13 გვ

ინსტრუქცია „ელექტრონულ ტენდერში“ მონაწილეთათვის

1.1. ელექტრონული სახელმწიფო შესყიდვა – ხორციელდება სახელმწიფო შესყიდვების ერთიანი ელექტრონული სისტემის მეშვეობით, რომლის პორტალი განთავსებულია კონკურენციისა და სახელმწიფო შესყიდვების სააგენტოს (შემდგომში – „სააგენტო“) ოფიციალურ ვებ-გვერდზე www.procurement.gov.ge.

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების შესაბამისად.

1.3. გამარტივებულ ელექტრონულ ტენდერთან დაკავშირებული ყველა დოკუმენტიან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.4. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.7. მიმწოდებელი ვალდებულია სატენდერო წინადადების წარმოდგენამდე გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება „სააგენტოს“ „სისტემაში“. (დანართი N3)

დამატებითი ინფორმაცია:

პრეტენდენტს შესაძლებლობა ეძლევა სატენდერო დოკუმენტაციის შესახებ დამატებითი ინფორმაცია და განმარტებები შესყიდვის პროცედურების შესახებ მოითხოვოს სატენდერო კომისიის აპარატში, წერილობითი მიმართვის შემთხვევაში ქ. თბილისი, უზნაძის ქ. #68;

საკონტაქტო პირი: მირანდა მორგოშია, ტელ: 2 96-39-84; 5997744 99;

**1. სამშენებლო-სამონტაჟო სამუშაოების ჩატარების ტექნიკური პირობები
(ტექნიკური დავალება)**

2.1. შესყიდვის ობიექტი და ფასი: აფხაზეთის ავტონომიური რესპუბლიკის განათლებისა და კულტურის სამინისტროს მიერ ქ.თბილისში, უზნაძის #68-ში, მდებარე შენობის მე-6 სართულის სარემონტო სამუშაოების სახელმწიფო შესყიდვა (CPV-45300000;) „გამარტივებული ელექტრონული ტენდერის“ საშუალებით.

2.2. სამუშაოს განხორციელების პერიოდი: შესაბამისი შესყიდვის ხელშეკრულების გაფორმებიდან 60 (სამოცი) კალენდარული დღე.

2.3. შესყიდვის სავარაუდო ღირებულება 64 000.00 (სამოცდაოთხი ათასი) ლარი

2.4. სამუშაოები შესრულებული უნდა იქნეს თანდართული საპროექტო-სახარჯთაღრიცხვო დოკუმენტაციის შესაბამისად.

2.5. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში (ლარი).

2.6. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის (მათ შორის დღგ) გათვალისწინებით.

2.7. ვაჭრობის დამატებითი რაუნდების შედეგად ფასის ცვლილების შემთხვევაში შემოთავაზებული მასალის შეცვლა სხვა, უფრო დაბალი ხარისხის ანალოგიური საქონლით დაუშვებელია.

2.8. სამუშაოების შესრულების პროცესში გამოყენებული მასალა-მოწყობილობები უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს. შემსყიდველ ორგანიზაციას შეუძლია მოითხოვოს შესაბამისობის სერტიფიკატი მშენებლობის პროცესში გამოყენებულ მასალებსა და მოწყობილობებზე.

2.9. სამუშაოების შესრულების პროცესში გამოყენებული მასალების და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა და სხვა) თანხმდება შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან შესრულებული სამუშაო არ შეესაბამება აღიარებულ სტანდარტებს და შემსყიდველი ორგანიზაციის მოთხოვნებს, მიმწოდებელი ვალდებულია თავისი ხარჯებით ჩაანაცვლოს შემსყიდველისთვის მისაღები მასალა, მოწყობილობა ან/და სხვაგვარად შეასრულოს სამუშაო, დაიცვას საერთაშორისო და საქართველოში მოქმედი სამშენებლო ნორმები და სტანდარტები.

2.10. სატენდერო დოკუმენტაციის ჩამოთვლილ საქონელზე, სადაც მითითებულია კონკრეტული სასაქონლო ნიშანი, ან მარკა იგულისხმება „მსგავსი“ ან „ეკვივალენტური“ (ასეთის არსებობის შემთხვევაში).

2.11. სამუშაოების შესრულების პროცესში მიმწოდებელი ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციის და მტვერის გარემოზე გავლენა და არ შეაფერხოს სამუშაო პროცესში სამინისტროს თანამშრომელთა საქმიანობა.

2.12. სატენდერო წინადადების ფასში შემსყიდველთან შეუთანხმებელი გაუთვალისწინებელი ხარჯები არ ექვემდებარება ანაზღაურებას.

2.13. თუ ტენდერში ელექტრონული ვაჭრობის შედეგად ყველაზე დაბალი ფასის წარმომდგენი პრეტენდენტის მიერ სისტემაში დაფიქსირებული საბოლოო ფასი 20 %-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა ფასწარმოქმნის ადეკვატურობა და ამ ფასად ტენდერით გათვალისწინებული ვალდებულების შესრულების შესაძლებლობა უნდა დაასაბუთოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის დასკვნის საფუძველზე. ექსპერტიზის ხარჯებს გაიღებს „პრეტენდენტი“. ექსპერტიზის დასკვნა ატვირთული უნდა იქნეს სახელმწიფო შესყიდვების ერთიან ელექტრონულ სისტემაში სატენდერო კომისიის მოთხოვნიდან 10 (ათი) სამუშაო დღის ვადაში. დასკვნის წარმოდგენლობა გამოიწვევს ტენდერში მონაწილე პრეტენდენტის დისკვალიფიკაციას.

2.14. 2.13 პუნქტით გათვალისწინებულ შემთხვევაში, სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის დასკვნისორიგინალი წარმოდგენილ უნდა იქნეს „შემსყიდველ“ ორგანიზაციაში ხელშეკრულების გაფორმების დროს.

2.15. შესრულებულ სამშენებლო-სამონტაჟო სამუშაოებზე უნდა ვრცელდებოდეს **არანაკლებ 3 (სამი) წლიანი გარანტია**. „მიმწოდებელი“ ვალდებული იქნება ხელშეკრულებით განსაზღვრულ საგარანტიო პერიოდში გამოვლენილი ნებისმიერი ნაკლის/ხარვეზის აღმოფხვრა-გამოსწორება უზრუნველყოს საკუთარი სახსრებით.

2.16. სატენდერო წინადადების ფასში საპროექტო ხარჯთაღრიცხვის საფუძველზე წარმოდგენილი გაუთვალისწინებელი ხარჯების საპროცენტო მაჩვენებელი არ ექვემდებარება კორექტირებას.

2.17. პრეტენდენტის მიერ შესყიდვების ერთიან ელექტრონულ სისტემაში ატვირთული სატენდერო წინადადება უნდა შეიცავდეს შესასრულებელი სამუშაოების ხარჯთაღრიცხვებს, სატენდერო დოკუმენტაციაში მოცემული ფორმების შესაბამისად. ხარჯთაღრიცხვის წარმოდგენლობა ან/და ხარჯთაღრიცხვაში არსებითი შეუსაბამობა გამოიწვევს პრეტენდენტის დისკვალიფიკაციას ყოველგვარი დაზუსტების პროცედურების გარეშე.

2.18 ხარჯთაღრიცხვის შედგენისას ზედნადები ხარჯების და გეგმიური მოგების ზღვრული პროცენტული მაჩვენებელი უნდა განისაზღვროს „სამშენებლო სამუშაოების სახელმწიფო შესყიდვისას ზედნადები ხარჯების და გეგმიური მოგების განსაზღვრის წესის დამტკიცების შესახებ“ საქართველოს მთავრობის 2014 წლის 14 იანვრის N55-ე დადგენილების მიხედვით.

3. ანგარიშსწორების პირობები:

3.1. ანგარიშსწორება ხორციელდება უნაღდო ანგარიშსწორებით-ლარებში, „სახელმწიფო ბიუჯეტის შესახებ“ საქართველოს კანონით „შემსყიდველისთვის“ გამოყოფილი ასიგნების ფარგლებში;

3.2. საავანსო ანგარიშსწორება არ გამოიყენება.

3.3. გადახდები მიმწოდებელთან განხორციელდება სამუშაოების სრულად ან შესაბამისი ეტაპების, სამუშაოს მიწოდების გრაფიკის მიხედვით, დასრულების შემდეგ, შუალედური მიღება-ჩაბარების აქტის, ფორმა N2-ის, საქართველოს კანონმდებლობით გათვალისწინებული შესაბამისი საგადახდო დოკუმენტაციის წარდგენიდან არაუგვიანეს 10 (ათი) სამუშაო დღემდე ვადაში.

3.4. სამუშაოს საბოლოო მიღება-ჩაბარება განხორციელდება „მიმწოდებლის“ მიერ წარმოდგენილი ექსპერტიზის დასკვნის საფუძველზე შედგენილი საბოლოო მიღება-ჩაბარების აქტისა და სხვა შესაბამისი დოკუმენტაციის გაფორმების დაფუძველზე.

შენიშვნა: საავანსო ანგარიშსწორება არ გამოიყენება.

4. პრეტენდენტის მიერ ტექნიკური დოკუმენტაციის სახით სისტემაში ასატვირთი მონაცემები და ინფორმაცია:

4.1. შესასრულებელი სამუშაოების **ხარჯთაღრიცხვა**

4.2. პრეტენდენტის რეკვიზიტები, სატენდერო დოკუმენტაციის **დანართი №1-ის** მიხედვით;

4.3. სამუშაოების განხორციელების ვადები **გეგმა-გრაფიკის** სახით;

4.4. თანხმობა შესრულებულ სამშენებლო-სარემონტო სამუშაოებზე გავრცელებულ საგარანტიო ვადებზე;

4.4.1. სამშენებლო -სამონტაჟო სამუშაოები - **3 (სამი) წელი;**

4.5. შესყიდვაში მონაწილეობის მსურველ პირს უკანასკნელი 2 (ორი) და მიმდინარე წლის განმავლობაში შესრულებული უნდა ჰქონდეს ტენდერით გათვალისწინებული ანალოგიური ხასიათის სამუშაოები (სამშენებლო-სამონტაჟო სამუშაო) საერთო ღირებულებით მინიმუმ 200 000 (ორასიათასი) ლარის ოდენობით, მათ შორის ერთი ხელშეკრულების პირობებში არანაკლებ 70 000 (სამოცდაათი ათასი) ლარის ღირებულების ანალოგიური ხასიათის სამუშაო, რაზედაც პრეტენდენტმა უნდა წარმოადგინოს სამუშაოების შესრულების დამადასტურებელი დოკუმენტის (მიღება-ჩაბარების აქტი) ასლები.

შენიშვნა:

სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

პროექტი

ხელშეკრულება სახელმწიფო შესყიდვის შესახებ N

ქ.თბილისი

2016 წ.

ერთის მხრივ, აფხაზეთის ავტონომიური რესპუბლიკის განათლებისა და კულტურის სამინისტრო (შემდგომში შემსყიდველი) მინისტრის მოადგილის ბესიკ ოდიშარიას სახით, მეორეს მხრივ, (შემდგომში მიმწოდებელი) „სახელმწიფო შესყიდვების შესახებ“ საქართველოს კანონის და „გამარტივებულ ელექტრონულ ტენდერში“ (SPA-----) გამარჯვებული პრეტენდენტის (მიმწოდებელი) სატენდერო წინადადების საფუძველზე, ვდებთ წინამდებარე სახელმწიფო შესყიდვის ხელშეკრულებას შემდეგზე:

მუხლი 1.გამოყენებული ტერმინების განმარტებები

ხელშეკრულებაშიგამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) -შემსყიდველ ორგანიზაციასა და ტენდერში გამარჯვებულ პრეტენდენტს შორისდადებული ხელშეკრულება, რომელიც ხელმოწერილია მხარეთა მიერ, მასზეთანდართული ყველა დოკუმენტით და დამატებებით და ასევე მთელი დოკუმენტაციით,რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებითნაკისრი ვალდებულებების სრული და ზედმიწევნით შესრულებისათვის;
- 1.3 “შემსყიდველი ორგანიზაცია” (შემდგომ “შემსყიდველი”) - ნიშნავს ორგანიზაციას(დაწესებულებას), რომელიც ახორციელებს შესყიდვას;
- 1.4 “მიმწოდებელი” - ნიშნავს იურიდიულან ფიზიკურ პირს, რომელმაც მოიპოვაგამარჯვება ტენდერში და აფორმებს (გააფორმა) შემსყიდველთან ხელშეკრულებასსახელმწიფო შესყიდვის შესახებ;
- 1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.
- 1.6. „სამუშაო“– „ხელშეკრულების“ მე-3 მუხლით გათვალისწინებული ხელშეკრულების საგანი;
- 1.7. „ინსპექტირება“- „შემსყიდველისმიერ „მიმწოდებლის„ხელშეკრულებით“ნაკისრი ვალდებულებებისშესრულების მონიტორინგი, ასევე „გეგმა-გრაფიკით“ გათვალისწინებული ვადების დაცვის შესაბამისობის შემოწმებასამუშაოებისდაწყებიდანხელშეკრულებითგანსაზღვრულიპერიოდულობით.
- 1.8. ექსპერტიზის დასკვნა - „მიმწოდებლის“ მიერ ხელშეკრულების პირობების შესაბამისად, ხელშეკრულებით ნაკისრი ვალდებულებების შესრულებისდადასტურება სსიპ „ლევან სამხარაულის სახელობის სასამართლო ექსპერტიზის ეროვნულ ბიუროს“ ან სხვააკრედიტებული პირის შესაბამისი დასკვნით.

მუხლი 2. ხელშეკრულების მოქმედების ვადა

2.1 წინამდებარე ხელშეკრულება ძალაშია ხელმოწერის დღიდან -----ჩათვლით.

მუხლი 3.ხელშეკრულების საგანი

3.1. ხელშეკრულების საგანს წარმოადგენს აფხაზეთის ავტონომიური რესპუბლიკის განათლებისა და კულტურის სამინისტროსმიერ ქ. თბილისში, უზნაძის #68-ში, მდებარე შენობისსამშენებლო-სამონტაჟო სამუშაოების სახელმწიფოშესყიდვა (CPV – 45300000) „გამარტივებული ელექტრონულიტენდერის“ საშუალებით.

3.2. სახელმწიფო შესყიდვის ობიექტის დასრულების სამუშაოების თაობაზე შედგენილი და წინამდებარე ხელშეკრულებაზე თანდართული სატენდერო და საპროექტო-სახარჯთაღრიცხვო დოკუმენტაცია ძალაშია ამ ხელშეკრულებასთან ერთად და წარმოადგენს მის განუყოფელ ნაწილს.

მუხლი 4. ხელშეკრულების ღირებულება

- 4.1. სახელმწიფო შესყიდვის წინამდებარე ხელშეკრულებით განსაზღვრული სამუშაოების მიწოდების საერთო სავარაუდო ღირებულება შეადგენს -----ლარს, საქართველოს კანონმდებლობით დადგენილი ყველა გადასახადების გათვალისწინებით;
- 4.2. დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან „შემსყიდველისათვის“ პირობების გაუარესება, გარდა საქართველოს სამოქალაქო კოდექსის 398-ემუხლით გათვალისწინებული შემთხვევებისა.
- 4.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 4.4. „ხელშეკრულების ღირებულება“ შესაძლებელია შემცირდეს ამ „ხელშეკრულების“ პირობების გათვალისწინებით, წარმოდგენილი შესაბამისი საექსპერტო დასკვნის საფუძველზე.

მუხლი 5. სამუშაოს შესრულების ადგილი და დასრულების ვადა

- 5.1. სამუშაოს დასრულების ვადა - შესაბამისი შესყიდვის ხელშეკრულების გაფორმებიდან 60 (სამოცი) კალენდარული დღე.
- 5.2. სამუშაოები ჩატარებული იქნება შემდეგ მისამართზე: ქ. თბილისი, დ. უზნაძის №68;

მუხლი 6. შესყიდვის ობიექტის მიღება-ჩაბარების წესი

- 6.1. შესყიდვის ობიექტი ან მისი ნაწილი (ეტაპი) ჩაითვლება მიღებულად (მიწოდებულად) მხოლოდ შესაბამისი „მიღება-ჩაბარების“ აქტის გაფორმების და მოქმედი კანონმდებლობით გათვალისწინებული სხვა დოკუმენტაციის წარმოდგენის შემდეგ.
- 6.2. შესყიდვის ობიექტის საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს „მიმწოდებელი“.
- 6.3. „შემსყიდველის“ მხრიდან ხელშეკრულებით გათვალისწინებული მოთხოვნების შესაბამისობის ინსპექტირებას და სამუშაოს ნაწილის (ეტაპის) მიღება-ჩაბარების აქტზე ხელის მოწერას განახორციელებს აფხაზეთის ავტონომიური რესპუბლიკის განათლებისა და კულტურის მინისტრის ბრძანებით შექმნილი ინსპექტირების სპეციალური ჯგუფი;
- 6.4. სამუშაოს საბოლოო მიღება-ჩაბარება განხორციელდება „მიმწოდებლის“ მიერ წარმოდგენილი ექსპერტიზის დასკვნის საფუძველზე შედგენილი საბოლოო მიღება-ჩაბარების აქტისა და სხვა შესაბამისი დოკუმენტაციის გაფორმების დაფუძველზე.

მუხლი 7. სამუშაოს ხარისხის გარანტია

- 7.1. „მიმწოდებელი“ იძლევა გარანტიას, რომ მის მიერ შესრულებული სამუშაო იქნება საქართველოში მოქმედი სამშენებლო ნორმების და საერთაშორისო სტანდარტების შესაბამისი;
- 7.2. წინამდებარე ხელშეკრულებით განსაზღვრულ და შემსყიდველის მიერ მიღებულ სამუშაოზე ვერცხელდება საგარანტიო ვადები, კერძოდ:
- 7.3. შესრულებული სამუშაოს სრულფასოვანი ფუნქციონირების საგარანტიო ვადად განისაზღვრება 3 (სამი) წელი, რომლის განმავლობაშიც „მიმწოდებელი“ ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა. აღნიშნული არ გულისხმობს საანგარიშო პერიოდში დაზიანების აღდგენას, თუ დაზიანება გამოწვეული იქნება დაუძლეველი ძალის ან გარეშე ძალის ზემოქმედებით;

7.4.სამუშაოების შესრულების პროცესში გამოყენებული მასალების და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერიდასხვა) თანხმდება „შემსყიდველთან“;

მუხლი 8. ანგარიშსწორება

8.1. ანგარიშსწორება ხორციელდება უნაღდო ანგარიშსწორებით-ლარებში, „შემსყიდველისთვის“ გამოყოფილი ასიგნების ფარგლებში;

8.2. გადახდები მიმწოდებელთან განხორციელდება სამუშაოების სრულად ან შესაბამისი ეტაპების, სამუშაოს მოწოდების გრაფიკით, დასრულების შემდეგ, შუალედური მიღება-ჩაბარების აქტის, ფორმა N2-ის, საქართველოს კანონმდებლობით გათვალისწინებული შესაბამისი საგადახდო დოკუმენტაციის წარდგენიდან არაუგვიანეს 10 (ათი) სამუშაო დღემდე ვადაში.

მუხლი 9. მხარეთა უფლება-მოვალეობები

9.1 შემსყიდველი უფლებამოსილია:

9.1.1 საქართველოს კანონმდებლობის შესაბამისად შეწყვიტოს ხელშეკრულების მოქმედებათუ მიმწოდებლის მიერ წარმოდგენილი მონაცემები ყალბი აღმოჩნდება, აგრეთვე, საქართველოს კანონმდებლობით გათვალისწინებულ სხვა შემთხვევებში.

9.2 შემსყიდველი ვალდებულია:

9.2.1 მოახდინოს ანგარიშსწორება მიმწოდებელთან წინამდებარე ხელშეკრულების მე-8 მუხლით გათვალისწინებული პირობებით.

9.3 მიმწოდებელი უფლებამოსილია:

9.3.1 მიიღოს მიწოდებული სამშენებლო სამუშაოების, ხელშეკრულების პირობებით გათვალისწინებული ანაზღაურება.

9.4 მიმწოდებელი ვალდებულია:

9.4.1. განახორციელოს წინამდებარე ხელშეკრულების მე-3 მუხლით გათვალისწინებული სამუშაოების შესრულება. იგი პასუხისმგებელია შესრულებული სამუშაოს ხარისხზე დადროულობაზე, პასუხს აგებს და სრულად უნაზღაურებს „შემსყიდველს“ მისთვის მიყენებულ ზარალს;

9.4.2. უზრუნველყოს ხელშეკრულებით გათვალისწინებული სამუშაოების განხორციელება შესაბამისი შესყიდვის ხელშეკრულების გაფორმებიდან 60 (სამოცი) კალენდარული დღის განმავლობაში.

9.4.3. შესრულებული სამუშაოს მოცულობებისა და ხარისხის, შესაბამისი ფასების რეალობისა და საპროექტო-სახარჯთაღრიცხვო დოკუმენტაციასთან მისი შესაბამისობის დადგენის მიზნით, სამუშაოების დასრულებიდან არა უმეტეს 30 (ოცდაათი) სამუშაო დღის ვადაში „შემსყიდველს“ წარუდგინოს ექსპერტიზის დასკვნა, რომლის ღირებულებასაც „მიმწოდებელი“ ანაზღაურებს საკუთარი ხარჯებით;

9.5.4. „შემსყიდველს“ დაუყოვნებლივ (იმავე დღეს) წერილობით აცნობოს სამუშაოების სრულად დამთავრების შესახებ და წარმოადგინოს „ხელშეკრულების“ პირობებით განსაზღვრული შესაბამისი დოკუმენტაცია, მათ შორის, მიმართვა (წერილის ასლი) გაგზავნილი სსიპ - „ლევან სამხარაულის სახელობის სასამართლო ექსპერტიზის ეროვნულ ბიუროში“ ან სხვა აკრედიტებული პირთან შესრულებული სამუშაოს საინჟინრო-ტექნიკური ექსპერტიზის ჩატარების თაობაზე;

9.4.5. მოიპოვოს „ხელშეკრულებით“ გათვალისწინებულ სამუშაოების შესრულებასთან დაკავშირებული კანონმდებლობით განსაზღვრული ყველა საჭირო ნებართვა და/ან თანხმობა და/ან უფლება, საკუთარი ხარჯებით.

9.4.6. „მიმწოდებელი“ ვალდებულია ფარული სამუშაოები აწარმოოს „შემსყიდველის“ მიერ „ხელშეკრულებით“ ინსპექტირებისათვის განსაზღვრული პირ(ებ)ის ზედამხედველობის ქვეშ, ამასთან, წინასწარ 2 (ორი) სამუშაო დღით ადრე, წერილობით და ზეპირი საშუალებით აცნობოს „შემსყიდველს“ აღნიშნული სამუშაოების შესრულების თარიღის შესახებ.

მუხლი 10. ხელშეკრულებაში ცვლილებების შეტანა

10.1 ხელშეკრულების მხარეებს არა აქვს უფლება ცალმხრივად შეცვალონ ხელშეკრულების პირობები.

10.2 თუ რაიმე წინასწარ გაუთვალისწინებელი მიზეზების გამო წარმოიქმნება ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმება) სახით, რომელიც ჩაითვლება ხელშეკრულების განუყოფელ ნაწილად.

მუხლი 11. ხელშეკრულების პირობების შეუსრულებლობა

11.1 ფორს-მაჟორული პირობების გარდა, „მიმწოდებლის“ მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მიმწოდებელს დაეკისრება პირგასამტეხლოს გადახდა.

11.2 ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, „მიმწოდებელს“ დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0,2%-ის ოდენობით.

11.3 ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში „მიმწოდებელი“ ჯარიმდება ხელშეკრულების ჯამური ღირებულების 2%-ის ოდენობით.

11.4 პირგასამტეხლოს გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

11.5. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, „შემსყიდველს“ უფლება აქვს შეწყვიტოს ხელშეკრულება.

11.6 ხელშეკრულების შეწყვეტისას შემსყიდველს შეუძლია მოითხოვოს ზიანის ანაზღაურება, რომელიც მას მიადგა მიმწოდებლის მიერ ხელშეკრულებით ნაკისრი ვალდებულებების შეუსრულებლობით.

მუხლი 12. ხელშეკრულების შეწყვეტა

12.1 წინამდებარე ხელშეკრულების შეწყვეტის საფუძვლებია:

ა) მხარეთა შეთანხმება;

ბ) ხელშეკრულებით ნაკისრი ვალდებულებების შესრულება;

გ) ერთი მხარის მიერ მოთხოვნიდან 10 (ათი) სამუშაო დღის განმავლობაში ხელშეკრულებით ნაკისრი ვალდებულებების შეუსრულებლობა;

დ) საქართველოს სამოქალაქო კოდექსის 399-ე მუხლით განსაზღვრული შემთხვევა;

ე) საქართველოს კანონმდებლობით გათვალისწინებული სხვა შემთხვევები.

მუხლი 13. ფორს-მაჟორი

13.1 ხელშეკრულების პირობების ან რომელიმე მათგანის მოქმედების შეჩერება ფორს- მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ

გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

13.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

მუხლი 14. სადავო საკითხების გადაწყვეტა

14.1 ხელშეკრულების დამდები მხარეები თანხმდებიან მასზედ, რომ ყველა დავას გადაწყვეტენ მოლაპარაკებების მეშვეობით, ხოლო შეთანხმების მიუღწევლობის შემთხვევაში დავას გადასაწყვეტად გადასცემენ სასამართლოს კანონმდებლობით დადგენილი წესით.

მუხლი 15. სხვა პირობები

15.1 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15.2 ხელშეკრულება შედგენილია² თანაბარი იურიდიული ძალის მქონე ეგზემპლარად რომელთაგან ერთი ეგზემპლარი ინახება „მიმწოდებელთან“, ხოლო მეორე ეგზემპლარი - „შემსყიდველთან“.

მუხლი 16. მხარეთა რეკვიზიტები:

შემსყიდველი: მიმწოდებელი:

აფხაზეთის ა/რ განათლებისა და

კულტურის სამინისტრო

სახელმწიფო ხაზინა

კოდი: TRESGE 22

ანგ. №200122900

ს/კ 249258761

მის: თბილისი, უზნაძის #68

მინისტრის მოადგილე

ბესიკ ოდიშარია

რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/ანუფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი: _____

პრეტენდენტის ტელეფონის ნომერი: _____

საიდენტიფიკაციო კოდი: _____

ბანკის და ბანკის კოდი: _____

ანგარიშსწორების ანგარიში: _____

ხელის მოწერა და ბეჭედი (არსებობის შემთხვევაში) _____

აფიდავითი**სატენდერო წინადადების დამოუკიდებლად განსაზღვრის თაობაზე**

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.